



**Ն.Ս.Օ.Տ.Տ. ԳԱՐԵԳԻՆ Բ ԱՄԵՆԱՅՆ ՆԱՅՈՑ ԿԱԹՈՂԻԿՈՍԻ
ՇՆՈՐԱՎՈՐԱԿԱՆ ՄԱՐԹԱՆԸՆ ՆՈՐ ՈՒՍՈՒՄՆԱԿԱՆ ՏԱՐՎԱ
ԱՌԻԹՈՎ**

Սիրելի մանկավարժներ, ուսանողներ և աշակերտներ, Մայր Աթոռ Սուրբ Էջմիածնից Նայրապետական Մեր օրհնությունն ու շնորհավորանքն ենք բերում Ձեզ Գիտելիքի, գրի և դպրության օրվա և նոր ուսումնական տարվա վերաբացման կապակցությամբ:

Լուսավոր այս օրը վերստին բացվել են կրթօջախների դռները: Խնդությամբ են համակված հոգիները սաների և ուսուցիչների, ովքեր նոր ուսումնական տարին սկսում են նոր հույսերով և բարին ու գեղեցիկը ճանաչելու լավատեսությամբ: Ուրախություն է Մեզ համար, որ հավատարիմ իրենց կոչմանը և կրթադաստիարակչական հարուստ ավանդույթին, այսօր նվիրյալ մեր մանկավարժները երիտասարդ սերնդին սնում և կրթում են ազգային ոգով և հայրենի սրբազան արժեքներով, սերմանում են նրանց հոգում ազնվության ու աշխատասիրության, հայրենասիրության ու ծառայասիրության բարի սերմերը:

Սիրելի զավակներ, ուսումնասեր ու ջանադիր եղեք ուսման մեջ, ուշադիր ու պարզաճանաչ Ձեր պարտականությունների հանդեպ, քանզի կրթությունը Ձեզ համար լուսավոր և օրհնյալ պատվար է լինելու ողջ կյանքում: Սուրբ Գիրքն ուսուցանում է. «Մի՛ թող իմաստությունը, և նա կպաշտպանի քեզ, սիրի՛ր այն, և նա կպահպանի քեզ» (Առակաց Դ 6): Իրապես, կրթության մեջ Ձեր ձեռքբերումներով է, որ պիտի արգասիքներ բերեք Ձեր կյանքին և ծառայեք մեր Նայրենիքին ու ժողովրդին:

Առ Աստված աղոթքով մաղթում ենք հաջողություններով առաքել և արգասավոր նոր ուսումնական տարի, հայցում ենք եռանդ և կորով մեր մանկավարժներին և պայծառ միտք ու ջանադիր աշխատասիրություն սովորողներին: